



養訖當敷牀與我洗足水復以油摩敷置臥具內唾壺及小便器然燈如是種種供給安隱我已然後自事時彼比丘答師言此非出家法便是婢作師言汝若不能作者當還我僧伽梨彼即脫衣著地而去

復次佛住舍衛城廣說如上爾時尊者難陀是優波難陀兄時優波難陀語兄共行弟子言我共汝入聚落當與汝物我若作非威儀事汝勿語他人我是汝叔父答言若我見父作非法亦當向人說況復叔父優波難陀復言若汝如此當使汝知即將至貴家擅越留食欲不與彼食故作是思惟相望日時使此不得乞食還復失時即便告言汝還精舍即便還畏失時故疾疾看日而行至精舍見諸比丘皆悉食已門前經行遙見疾行疑必有以即問汝今日共多知識比丘處處教化得何等好食脣膩如是答言我今失食況得好者優波難陀遣彼還已於後種種飲食食已

卷二

二

恐事情露疾還見諸比丘叢聚而論便作是思惟衆人集論必彼比丘向諸梵行人說我過惡即語難陀言長老汝弟子向諸梵行人說我過惡彼即瞋恚語弟子言汝今云何說我弟過汝可還我僧伽梨來諸比丘聞已共相謂言此比丘今日遭二苦惱一者失食二者失衣佛聞是已知而故問諸比丘此何比丘高聲大語諸比丘白佛言世尊此難陀奪共行弟子衣是故大聲佛言呼難陀來來已佛廣問難陀汝實爲自供給故度人與衣令弟子瞋不能作婢作乃至奪共行弟子衣耶答言實爾時佛語難陀汝云何度人出家不教法律令執作供給自己佛種種因緣呵已語諸比丘從今日不得立心爲供給自己故度人出家度者得越毗尼罪應作如是念當使彼人因我度故修諸善法得成道果佛告諸比丘依止舍衛城者盡集十利故與諸比丘制戒乃至已聞者當重聞

若比丘與比丘衣後瞋恚不喜若自奪若使人奪作是言比丘還我衣來不與汝得者尼薩耆波夜提比丘者如上說衣者七種如上說瞋恚不喜者九惱如上說奪者若自奪若使人奪作如是言還我衣來不與汝得者尼薩耆波夜提尼薩耆波夜提者如上說或自

登二

三

與使人奪或使人與自奪或自與自奪或使與使奪合與別奪別與合奪合與合奪別與別奪合與別奪者比丘一時與衣已別奪言還我僧伽梨還我鬱多羅僧還我安陀會如是奪者得衆多波夜提是名合與別奪別與合奪者比丘非一時與僧伽梨與鬱多羅僧與安陀會還一時盡奪汝還我衣來如是奪者得一波夜提罪是名別與合奪合與合奪者比丘一時與衣後言盡還我衣來如是奪者得一波夜提別與別奪者比丘非一時與僧伽梨與鬱多羅僧與安陀會比丘漸奪還我僧伽梨還我鬱多羅僧還我安陀會如是

索得者衆多波夜提若比丘與比丘衣時作是言汝住我邊者當與汝衣若不住者奪者無罪若比丘與比丘衣時作是言汝此處住可當與汝若不住者奪無罪若比丘與比丘衣汝適我意者與不適意還奪無罪為受經者與不受經者還奪無罪若比丘賣衣未取直若錢直未畢若還取衣者無罪若比丘與共行弟子依止弟子衣已不可教誡為折伏故奪後折伏已還與無罪奪比丘衣者尼薩耆波夜提奪比丘尼衣者偷蘭罪奪式叉摩那沙彌沙彌尼衣者越毗尼罪乃至奪俗人衣者越毗尼心悔是故說

佛住舍衛城四方各十二由旬內施僧雨浴衣如毗舍法鹿母因緣廣說

復次佛住橋薩羅國遊行時有一摩訶羅比丘下著雨衣上著安陀會捉長柄掃葦掃地佛見已語諸比丘汝見是摩訶羅不云何顛倒著衣是摩訶羅見佛已往到佛所頭面禮

足却住一面佛知而故問摩訶羅汝下著何  
衣答言雨衣上著何衣答言安陀會佛言比  
丘汝云何應在上衣而反在下下衣在上汝  
今云何一切時受用雨衣佛語諸比丘汝等  
待如來從橋薩羅國遊行還舍衛城時汝當  
語我當為諸比丘制兩浴衣佛從橋薩羅國

登二

四

遊行還已諸比丘白佛言世尊在橋薩羅國  
遊行時作是言如來從橋薩羅國遊行還舍  
衛時汝便語我當為諸比丘制兩浴衣今正  
是時願制雨衣佛告諸比丘依止舍衛城者  
盡集十利故為諸比丘制戒乃至已聞者當  
重聞

若比丘春殘一月在比丘當求雨衣半月當  
作成受用若比丘未至春殘一月求雨衣半  
月作成受用者尼薩耆波夜提春殘一月者  
三月後十五日四月初十五日是名春殘一  
月雨衣者如世尊所聽衣者有七種如上說  
求者乞索勸化求時不應從小家處處求一

尺二尺應從殷有大家中求若一人邊若眾  
多人邊得是名殘求半月者從三月十六日  
應作浣染縫至四月一日應受用若比丘未  
至求者未至三月十六日前求作成受用者  
尼薩耆波夜提尼薩耆波夜提者如上說比  
丘有五法成就僧應羯磨作分雨衣人何等

五不隨愛不隨瞋不隨怖不隨癡得不得知  
是名五羯磨人應作是說大德僧聽某甲比  
丘五法成就若僧時到僧拜某甲比丘作分  
雨衣人白如是大德僧聽某甲比丘五法成  
就僧今拜某甲比丘作分雨衣諸大德忍某  
甲比丘分雨衣忍者僧默然若不忍便說僧

登二

五

已忍拜某甲比丘分雨衣竟僧忍默然故是  
事如是持作羯磨已應眾中唱言大德僧聽  
若衣有大小降四指八指不等不計者我當  
分若不唱者得越毗尼罪此人作羯磨已當  
為僧求求時不應從小家處處求一尺二尺  
應從殷有大家中若一人邊得若眾多人邊

得下至得一雨衣是名求若三月十六日已後送衣來者應分應語僧上座言為欲今取為欲待後後或有勝者上座若言今取便與若言後取待後應與若有客比丘者應問汝欲何處夏安居若言此處應與若言欲餘處安居欲此處取雨衣者亦應與應語汝於餘處更莫取若言我不此間取待安居處當取隨其意若多得雨衣者一人應與兩沙彌得與一若少不周接者安居訖分衣時應編與雨衣直此衣不得受當三衣不得作淨施不得著雨衣入河中池中浴不得小小雨時著浴亦不得裸身浴當著舍勒若餘故衣不得著雨衣種種作事當須大雨時被浴若雨卒止垢夜者得著入餘水中浴無罪若比丘食時欲以油塗身若病時若多人行處得繫兩頭作障此雨浴衣得四月半受用至八月十五日應當捨捨法者一比丘應眾中作是唱大德僧聽今日僧捨雨浴衣如是三說共至

十六日捨者得越毗尼罪捨已得用作三衣亦得知識比丘邊作淨亦得入餘水中浴種種者作無罪是故說  
佛住舍衛城廣說如上爾時尊者難陀優波難陀持縷入居士家語優婆夷言施我縷諸居士婦女作是念此比丘欲買縷各持縷出比丘見已即取比已縷而作是言我正欲求此縷比今得相似若見好者便作是言我欲求此比而更得勝者若見塵者便作是言此縷雖塵可作好者因如是賣縷來者都無得脫重負而來去祇洹精舍不遠有一窮巷在中起織坊度縷師出家使織衣尊者阿難到  
登二  
時著入聚落衣持鉢次行乞食到其門前見難陀優波難陀捉縷丸共張氎經見已共相問訊阿難問言長老作何等答言欲織衣彼即念言我今日見侍者阿難必語世尊當作方便即持縷丸與尊者阿難可持縫衣阿難不取食後以上因緣廣白世尊佛言呼難陀

優波難陀來來已佛問優波難陀上事乃是阿難不受經丸汝實爾不答言實爾佛言此是惡事汝不聞我無數方便讚歎少欲毀譽多欲此非法非律不如佛教不可以是長養善法

佛告諸比丘依止舍衛城者盡集以十利故與諸比丘制戒乃至已聞者當重聞若比丘自行乞縷使織師織者尼薩耆波夜提比丘者如上說自乞者勸化索或一兩二兩縷者七種縷師者今毗提婆晝俱利織師織作衣者尼薩耆波夜提尼薩耆波夜提者如上說若比丘自行乞縷越毗尼心悔得者越毗尼罪織成者尼薩耆波夜提迦尸國土法比丘安居竟與經與織直比丘欲織氎時應語織師作是言與汝此縷為我知織氎織師答言尊者我不解此語應問言汝家作何等業答言織氎便語言汝可為我知織氎若復不解此語者應持經與淨人令知織一切不得作

登二

十

雇織語若比丘知織腰帶欲使比丘織者應持縷與作是言長老為我作帶是故說

佛在舍衛城祇洹精舍爾時毗舍佉鹿母常日日眾中請僧食時有比丘次到其家食見毗舍佉鹿母持縷與織師語言汝為我織氎欲施尊者難陀優波難陀彼人難可汝當為好織比丘食已還精舍語難陀言長老我欲語汝好事問言有何好事答言我見毗舍佉鹿母欲施汝衣答言此不施我衣何以故此優婆夷常施賢聖復言不爾我眼見毗舍佉鹿母以縷與織師作是言與汝此縷為我好織作氎欲施難陀彼人難可問言汝知織師家處不答言知處即復問言彼家在何處何巷門戶那向示我標相具問知處已明日著入聚落衣往到其家見織師張經見已問織師言長壽為誰張經答言我為鹿母毗舍佉張經復問言汝知不此為誰作答言我知為難陀優波難陀復問汝識難陀不答言我不

識即便語言難陀優波難陀正我等是汝當  
好作長廣細緻織師答言縷自有限量亦  
已定我能無緯織耶即復言汝但如我語好  
作彼家大富自當更與汝縷織師復言彼家  
與我縷作直誰當與我即言汝但好織織作  
直我當與汝織師言若尊者與我織作直彼  
復足我縷者當如教織織師即為好織織縷  
盡復往索如是三索毗舍佉鹿母念言此人  
但來索縷不求作直我何以不足與縷與縷  
織成廣長細好送與鹿母鹿母見已作是言  
此是好氎不應與是重供養雖然本為其作  
即便送與難陀氎未成時日日到織師家既  
待氎已遠離其舍異巷而行譬如老鳥遠於  
射方織師作務多不得來索作直後織師管  
署率會來到舍衛城織師爾時便作是念眾  
人未集我今可為索織直故可往祇洹到已  
問諸比丘難陀優波難陀在何處住比丘語  
言是處房中即入房中見已禮足問訊彼伴

卷二

八

不識如未曾相見即問言尊者得氎未反問  
言何等氎答言我為鹿母織者答言得問言  
氎為稱尊者意不答言為復可耳便言阿闍  
梨當與我織價問言何等織價答言乃至優  
婆夷足縷許與我織作直彼即瞋恚言如是  
如是子賜穀物汝識難陀優波難陀不欲拔  
汝眼睫取虛空中烟我欲五指撮取淨洗釜  
已欲望故得多食裸形外道猶欲剝取兩張  
氎乾死鳥足上望剝得五百兩肉以一把種  
散恒水旋淵中欲收斂取如是等處求物况  
復汝望得我物即語弟子言汝取我僧伽梨  
來我欲著詣王家喚人來縛取此人付官織  
師作是念此沙門有大身力又出入王家必  
能為我作不饒益事用是作直為但得活命  
去怖畏却行出戶走到率會人中彼眾人嫌  
言我等各各廢家事到此間共料理官事汝  
今云何妨廢眾人彼即答言汝聽鹿母與我  
縷織氎難陀優波難陀乃至氎未成時日日

來得毘已如老鳥遠於射方乃至思惟但得活命廣說上事是故來晚耳衆人即瞋恚言此比丘輕易我等不與作直而反欲使王力縛人我等今日當作制限後更不復爲沙門織毘有人言我等當在隱處共作制限莫使人知我知沙門衣量長五肘廣三肘長五肘

登二

九

廣二肘如是衣量不得織若彼人知者此沙門有力能使王家以力使人乃至能爲人作不饒益事莫使人知到受歲時衆人擔縷來詣織師欲雇織師織師問言汝欲作何等量衣答言長五肘廣三肘長五肘廣二肘織師念言此是沙門衣量即答言我已爲人織不復得作如是遍問都無織者爾時諸富貴家即取家中成織毘施僧諸貧人等先無成織者無衣施僧爾時僧得布施衣少佛知而故問阿難僧何以得布施衣少阿難即以上事乃至織師發不喜心共作要令具白世尊佛言呼難陀優波難陀來來已佛具問難陀

汝等實爾不答言實爾世尊佛言此是惡事汝常不聞我讚歎少欲毀訾欲耶

佛言諸比丘依止舍衛城者皆悉今集以十利故與諸比丘制戒乃至已聞者當重聞若居士居士婦使織師爲比丘織作衣是比丘先不請使往勸織師言汝知不此衣爲我作汝當好織令緻長廣當與汝錢錢直食食直是比丘如是勸與錢錢直食食直得衣者尼薩耆波夜提居士者家主婦者家主婦爲比丘者若僧若衆多若一人織師者如上說衣者十種如上說先不請者本不請謂請想請餘人謂已想請與餘物謂衣想便往者往田中家中勤者語令細緻若長廣錢者種種錢錢直者餘物直食者麩飯麥飯魚肉食直者錢物得衣者尼薩耆波夜提尼薩耆波夜提者如上說若比丘語織師言與我好織堅織緻打作是語時越毗尼罪織師下手打織時下下波夜提作是得者尼薩耆波夜提若比

丘與織師說法織師手支頰住聽比丘語織師言此應耳聽不應手聽手可並作作是語時得越毗尼罪若比丘聞為作衣往勸不許價得衣越毗尼罪聞而往勸亦許直得衣者尼薩耆波夜提不聞而往勸自與得衣者越毗尼罪不聞不勸亦不與直得衣無罪若寡

登二

十

婦施眾僧衣比丘若僧中次第應得此衣婦人語比丘言我家無人尊者可到織師所經營此衣尊者若自能往料理者可得疾成亦可得好比丘爾時得往織師所作如是言長壽汝知疾織知織織作是語者無罪是故說佛住舍衛城廣說如上時六羣比丘在一聚落夏安居初安居時晨朝著入聚落衣捉紙筆入聚落中語諸優婆塞言汝等和義與我夏安居衣諸優婆塞言非索安居衣時待至秋穀熟爾時諸人多有歡喜心當施衣六羣比丘言汝不知世間多有諸難若王水火盜賊難或為汝父母所遮不得布施汝便不成

功德我則失利優婆塞言尊者但示我諸難而自不見諸難尊者得安居錢已欲罷道欲餘行去耶何以多欲貪求如何道之有諸比丘聞已即以上事具白世尊

佛言呼六羣比丘來來已佛問六羣比丘汝實初安居時從諸優婆塞索安居衣為諸優

婆塞呵嘖耶答言實爾佛言比丘此是惡事安居未訖而先求衣從今日安居未訖不得先求安居衣

十一

復次佛住舍衛城爾時波斯匿王大臣名彌尼利利叛逆王遣一大臣名仙人達多往討伐之此天臣臨欲行時往到尊者阿難所白

登二

十一

言尊者波斯匿王大臣叛逆王今遣我往伐方向強敵身命難保我常年年安居竟飯僧施衣我今為官所使不得待時欲先施衣得安隱還者後當施食尊者阿難即以上事具白世尊佛知而故問阿難汝安居餘有幾日在答言十日佛言從今日聽未至自恣十日

得受急施衣佛告諸比丘依止舍衛城者皆悉令集以十利故與諸比丘制戒乃至已聞者當重聞若十日未滿夏三月得急施衣比丘須者得自手取畜至衣時若過時畜者尼薩耆破夜提十日者從七月六日至七月十五日名十日得急施衣者若男若女若大若小若在家出家若欲軍征行時與征還時與死時與女人還歸時與實人去時與施主語比丘言若今日不取明日無是名急施衣衣者十種如上說欲取者若須此物應取畜至衣時者無迦絺那衣得至八月十五日有迦絺那衣得至臘月十五日若過時畜者尼薩耆破夜提尼薩耆破夜提者如上說比丘有五法成就僧應拜作勸化分衣人何等五不隨愛不隨恚不隨怖不隨癡得不得知是名五法作羯磨法者應作是說大德僧聽某甲比丘五法成就若僧時到僧拜某甲比丘作勸化分衣人白如是大德僧聽某甲比丘

五法成就僧今拜某甲比丘為勸化分衣人諸大德忍某甲比丘為僧作勸化分衣人者僧默然若不忍便說僧已忍拜某甲比丘作勸化分衣人竟僧忍默然故是事如是持受羯磨已應白僧作是言諸大德衣相降四指八指不等若通此者我當分若太白而分越毗尼罪如上白已當分是比丘從三月十六日應語諸檀越投紙筆條房舍講堂温室禪坊門屋食廚淨水屋廁屋薪屋浴室樹下坐處經行處盡疏名應僧中唱大德僧聽某甲住處有爾許牀褥爾許安居衣爾許食爾許齋日飲食爾許呪願物某住處有爾許物阿

登二

十二

言房舍次第住布施物應平等與爾時應隨上座處分上座取已應次第與第二第三亦如是乃至無歲比丘若房多者應一人與二房與二房時若不肯取者應語言此為治事故與不為受用故不得與沙彌房若房舍少者二人共房如是房猶不足者當三人共若四人五人乃至十人共與一房若有大堂若温室若禪房若講堂一切共入中若不受者上座與臥牀年少與坐牀若復不受者上座與坐床年少敷地床若復不受者與上座草褥年少結加趺坐若復不受者上座應坐年少應立住若復不受者上座當立年少出去若樹下若餘處是比丘六月十五日已後應當語諸檀越長壽各各辦衣爾時檀越若與者應語言且著汝邊須待時與若欲軍征去與若征還與若死時與賣人去時與女人歸家與若今日不取明日無爾時應取七月五日已後有此衣來取著一處若樹葉樹皮當

卷二

十三

取數記爾許時衣爾許非時衣爾許急施衣時衣時分非時衣非時分急施衣時分若分衣人若羅道若死不得分衣時若過應如是賀衣分比丘尼衣應與比丘比丘衣應與比丘尼若如是不得者沙彌衣應與比丘比丘衣應與沙彌若復不得者應眾僧中白言諸大德衣時已過眾僧和合作四方僧臥具若聽者得作四方僧臥具若有人言我等夏安居住得此衣分何以作四方僧用應語此人待來年衣時當與汝是故說

佛住舍衛城爾時諸比丘阿練若處夏安居諸比丘到時入聚落乞食後放牛羊人取薪草人持戶鉤來開諸比丘房戶偷衣物時諸比丘畏偷故盡持衣物入聚落佛知而故問此何等比丘運致來此諸比丘白佛言世尊是諸比丘在阿練若處安居乞食後有人持戶鉤於後開戶偷諸衣物是以運致來此佛言從今日後恐畏時聽三衣中若一一衣得

寄著聚落內

復次佛住舍衛城祇洹精舍沙祇園夏安居  
中衆僧有諍事起如法滅佛語優波離汝往  
沙祇園與衆僧如法滅此諍事時長老優波  
離辭不去佛問優波離汝何以不去答言世  
尊我僧伽梨重若被兩者不可勝而今半安

若中苦留衣者尼薩耆佛問優波離汝幾日  
可得往還優波離白佛言世尊計去二日停  
二日來二日都計六宿可得往返佛言從今  
日後留衣得齊六宿優波離到彼已見此諍  
事難可卒滅即便來還還已禮世尊足却住  
一面佛知而故問優波離汝來還何以速僧

中諍事竟得滅不答言未滅世尊偈言何以  
故答言諍事難滅非可卒斷復畏日過失衣  
犯尼薩耆是故來還佛言從今日聽一月不  
失衣宿作羯磨僧應與求聽作一月不失衣  
宿羯磨羯磨者應作是說大德僧聽長老優  
波離今向沙祇園爲僧滅諍事若僧時到僧

登二

十四

優波離欲從僧乞一月不失衣宿羯磨諸大  
德僧聽優波離欲從僧乞一月不失衣宿羯  
磨僧忍默然故是事如是持應從僧中乞作  
是言大德僧聽我優波離比丘欲向沙祇園  
爲僧滅諍事唯願大德僧與我一月不失衣  
宿羯磨如是第二第三乞羯磨人當作是說

大德僧聽長老優波離欲往沙祇園爲僧滅  
諍事已從僧中乞一月不失衣宿若僧時到  
僧與優波離一月不失衣宿羯磨白如是大  
德僧聽長老優波離欲向沙祇園爲僧滅諍  
事已從僧乞一月不失衣宿僧今已與長老  
優波離一月不失衣宿羯磨諸大德忍優波  
離一月不失衣宿羯磨者默然若不忍便說  
是初羯磨第二第三亦如是說僧已與優波  
離一月不失衣宿竟僧忍默然故是事如是  
持佛問諸比丘已與優波離一月不失衣宿  
羯磨未答言已與佛告諸比丘依止舍衛城  
者盡集十利故與諸比丘制戒乃至已聞者

當重聞夏三月未滿比丘在阿練若處住有  
 恐怖疑比丘三衣中若一一衣得寄著家內  
 比丘有因緣事得齊六宿若過者除僧羯磨  
 尼薩耆波夜提安居三月者從四月十六日  
 至七月十五日未滿者未至夏末月比丘未  
 至滿月中在阿練若處住阿練若者長五肘

登二

五

弓五百弓中間無有放牧人屋是名阿練若  
 恐怖者若殺劫奪疑者雖無殺劫奪有疑心  
 畏須臾聞當殺人奪人衣若比丘知如是恐  
 怖處三衣中若一一衣者僧伽梨鬱多羅僧  
 安陀會不得寄僧伽梨安陀會得寄鬱多羅  
 僧著聚落中家內者俗人家不得寄可信人  
 家當還寄可疑家疑家作是念諸比丘悉皆  
 不可復得皆悉防備諸比丘等若有因緣為  
 塔為僧事得齊六夜六夜者限齊六宿除僧  
 羯磨者世尊說無罪若僧羯磨不成就名  
 羯磨羯磨不成就者眾不成就白不成就羯  
 磨不成就若白成就羯磨成就眾成就是名

僧作羯磨若僧中受羯磨已不得為待供養  
 故住應當疾去若食前作羯磨食後應去食  
 後受者明日晨朝應去去時不得迴道逐檀  
 越當直道去若直道有難者若師子難虎狼  
 難毒蟲難失命難爾時迴道去無罪到彼已  
 不得停待供養客比丘飲食若食前到食後  
 便集僧減諍事若食後到清旦便集僧減諍  
 事若食後斷事訖便清且還若食前斷事訖  
 食後便還不得任待客比丘供養還時不得  
 從迴道來當從直道還若有難者如上說初  
 往到彼時不得誦經熏鉢染衣若斷事訖有  
 長功夫得誦經作餘事若事難斷有中間得  
 誦經熏鉢亦得受客比丘供養飯食無罪減  
 諍事時不得趣爾取人當於眾中差堪能有  
 威德力勢者若阿練若住處寄衣得著家內  
 六夜過六夜者尼薩耆波夜提是比丘欲捨  
 衣法當請持律如上第一戒中說是故說  
 佛住舍衛城有一乞食比丘時到者入聚落

衣持鉢入城次行乞食到一家有一女人語比丘言尊者某日我當供養僧并施僧衣比丘言善哉姊妹以三不堅法易三堅法身命財也應疾為之財物無常多有諸難作是語已便還精舍語諸比丘言我欲語汝好事諸比丘言有何等事答言我聞某甲優婆夷欲

登二

十六

供僧飯食布施僧衣時六羣比丘聞此語已更問言汝說何等答言我聞某甲優婆夷欲供僧飯食并布施衣問言汝知某甲處不為在何巷門戶那向具問已晨朝著入聚落衣往到某家見已問言長壽安隱不答言安隱語優婆夷言我聞汝欲供僧飯食布施僧衣為實爾不答言尊者我有是心但恐中間多有難事知得成不即語言如我先出家長宿比丘汝若施衣者我當著入王家禮敬世尊若貴勝家若人問我汝何處得我當答某信心優婆夷邊得如是汝得好名稱為眾所識優婆夷言我家更無有物我正欲與僧者若

與阿闍梨我已許僧我若有者亦當別與阿闍梨亦與僧比丘言與不與自從汝意作是語已便出去去已優婆夷作是思惟我若當與是比丘不與僧者僧是良福田若不與是比丘者是比丘於王邊有力能為我作不饒益事以是故不與僧瞋比丘故亦復不與諸

比丘聞已以是事往白世尊佛言呼難陀優婆難陀來來已廣問上事汝實爾不答言實爾佛言此是惡事有二不可令施者失福受者失衣佛語難陀優婆難陀汝常不聞我以無數方便讚歎少欲毀訾多欲此非法非律非如佛教不可以是長養善法

登二

十七

佛告諸比丘依止舍衛城者皆悉令集十利故與諸比丘制戒乃至已聞者當重聞若比丘知物向僧自迴向已尼薩耆彼夜提比丘者如上說知者若自知若從他聞物者八種物時分夜分七日終身隨物重物不淨物淨物不淨物向者意趣選物向僧者八種比

丘僧比丘尼僧客僧去僧舊住僧安居僧和  
 合僧不和合僧自向者自畜自用自入尼薩  
 耆波夜提此物應僧中捨波夜提罪應悔過  
 若不捨而悔者得越毗尼罪波夜提者如上  
 說若有人來欲有布施問比丘言尊者我欲  
 布施應施何處耶比丘應答言隨汝心所敬  
 處便與施主復問何處果報多答言施僧果  
 報多施主復問何等清淨持戒有功德僧比  
 丘應答言僧無有犯戒不清淨若人持物來  
 施比丘應語言施僧者得大果報若言我已  
 曾施僧今正欲施尊者比丘受者無罪若有  
 人問比丘言我欲以此物布施為置何處使  
 我此物長見受用爾時應語某比丘是坐禪  
 誦經持戒若施彼者長得受用見若知物向  
 僧迴向已尼薩耆波夜提迴與餘人波夜提  
 知物向此僧迴與餘僧者越毗尼罪知向此  
 衆多人迴與彼衆多人越毗尼罪知物向此  
 畜生迴向餘畜生越毗尼心悔知物向僧自

迴向已尼薩耆波夜提是物衆僧不應與衆  
 僧應受用是故說事三十一

十六末

摩訶僧祇律卷第十二

登二

煖煖字裸形又郎果反淵烏懸反訊信音唾壺吐上反  
 胡下音澡早音齒木此方多用楊枝是燥蘇老反料

理上音捲下音疊俱轉反浣胡伴反舍下音法下音掃

華下音亦作筆簪也般有斤上反縫逢音羯磨上音

下去音舍勒云內衣垢液亦下音緹同音毳音毳

皆同音毀反緻直利緯謂音般物上音練音慊苦音肘

反知音柳接下音撮反盃反剝反支反頰下音匿反王上音尼

反知音柳接下音撮反盃反剝反支反頰下音匿反王上音尼

叛逆上音敵徒音賣人上音迦下音縞下音臘下音

反知音柳接下音撮反盃反剝反支反頰下音匿反王上音尼

反知音柳接下音撮反盃反剝反支反頰下音匿反王上音尼

反知音柳接下音撮反盃反剝反支反頰下音匿反王上音尼

反知音柳接下音撮反盃反剝反支反頰下音匿反王上音尼

反知音柳接下音撮反盃反剝反支反頰下音匿反王上音尼

平江路磧砂延聖寺比丘志願情旨伏自行年庚戌年七月  
 初二日建生發心施中統鈔伍佰錢助開本寺  
 大藏經板流通

聖教仰報

佛恩用資三有之保現世福壽增榮他生三級俱備常作比丘形

永為釋子尼在時中吉祥如意者

大德十年歲在丙午二月

日意頌

磧砂大藏經

摩訶僧祇律

卍

第六三册